

«Էդիթ Պրինտ» հրատարակչություն

Ավարտական հետազոտական աշխատանք

Թեմա՝ Սաների մեջ ինքնուրույնության, նախաձեռնողականության և
ստեղծագործական ունակությունների զարգացումը ոչ ավանդական
նկարչության գործընթացում

Հաստատություն՝ Արագածոտնի թիվ 18 մանկապարտեզ

Դաստիարակ՝ Լեյլի Նիկոլյան

Ղեկավար՝ Ժաննա Ավետիսյան

Բովանդակություն

Ներածություն.....	3
Ինքնուրույն նախաձեռնության և ստեղծարարության ունակությունների Էությունն ու սահմանումը	4
Կերպարվեստային գործունեություն	6
Ոչ ավանդական նկարչության	8
Եզրակացություն	14
Գրականության ցանկ	15

Ներածություն

Երեխաները վաղ տարիքից փորձում են արտացոլել իրենց տպավորությունները շրջապատող աշխարհի իրենց պատկերացումների մասին : Կերպարվեստային գործունեությունը նախադարձականների գեղարվեստական դաստիարակության կարևորագույններից է: Այն իրականացվում է նկարչության, ապլիկացիայի, ծեփի, կառուցողական նյութերով պարամունքների գործընթացում: Կերպարվեստային պարամունքների նպատակն է զարգացնել երեխայի ստեղծագործական և կառուցողական մտածողությունը, գեղագիտական ընկալումները:

Թեմայի արդիականություն՝ Վերոնշյալ թեման արդիական է, քանի որ ժամանակակից կրթական համակարգի նարևոր խնդիրներից և արժեքային կողմնորոշիչներից մեկն է երեխաների մեջ ինքնուրույնության և ստեղծագործական ունակությունների ձևավորումն ու զարգացումը: Այս որակները օգնում են երեխային հետագայում ինքնադրսևորվել կյանքի բոլոր բնագավառներում: Երեխաները այս որակների շնորհիվ զարգացնում են իրենց ճանաչողական կարողություններն ու հմտությունները:

Նպատակ՝ Աշխատանքի նպատակն է ուսումնասիրել ինքնուրույն նախաձեռնության և ստեղծարարության ունակությունների էությունը և դրանց զարգացումն ու դրսևորումները ոչ ավանդական նկարչության ընթացքում :

Ըստ այդմ առաջադրվում է հետևյալ խնդիրները՝

- Ուսումնասիրել ինանուրույն նախաձեռնության և ստեղծարարության ունակությունների էությունն ու սահմանումը
- Ներկայացնել ոչ ավանդական նկարչության կիրառումը

Ըստ այդմ էլ հետագոտական աշխատանքը բաժանվում է երկու գլուխների համապատասխանաբար՝

- Գլուխ առաջին՝ ինքնուրույն նախաձեռնության և ստեղծարարության ունակությունների էությունը ու սահմանումը
- Գլուխ երկրորդ՝ կերպարվեստի պարամունքների մեջ ինքնուրույն նախաձեռնության և ստեղծագործական ունակությունների զարգացման ուղիները:

Գլուխ 1.1 Ինքնուրույն նախաձեռնության և ստեղծարարության ունակությունների եռթյունն ու սահմանումը

Ինքնուրույնությունը հատկանիշ է, որը պետք անընդհատ զարգացնել: Ինքնուրույնությունը ձևավորվում է աստիճանաբար երեխայի յուրաքանչյուր տարիքային փուլում ընդ որում յուրաքանչյուր տարիքում այն ունի տարբեր հատկություններ և դրսևորման տարբեր ձևեր: Մինևույն ժամանակ յուրաքանչյուր տարիքային փուլում անհրաժեշտ է որպեսզի երեխաների ինքնուրույնության ձգտումը խրախուսվի մեծերի կողմից համապատասխան չափաբաժիններով և ռացիոնալ կերպով զարգացնել անհրաժեշտ հմտություններ և կարողություններ երեխաների մեջ: Ինքնուրույնությունը սերտորեն կապված է այնպիսի հոգեբանական հատկանիշի հետ ինչպիսին է երեխայի կամքը, որի շրջանակներում երեխան գիտակցված կերպով կարգավորում է սեփական վարքը և գործունեությունը: ստեղծագործականություն կամ ստեղծագործական ընդունակությունները հարկավոր է զարգացնել երեխաների մոտ սկսած ամենավաղ տարիքից: Կան կարծիքներ, որ ստեղծագործականությունը անձի բնածին հատկությունն է, որոշ երեխաների մոտ այն առկա է, որոշների մոտ՝ ոչ: Բազմաթիվ մանկավարժական և հոգեբանական հետազոտությունների արդյունքում պարզ է դարձել, որ բնածին կարող են լինել միայն ստեղծագործական հակումները: այդ հակումները պետք է մշտապես զարգացնել, որպեսզի դրանք դառնան ստեղծագործական մոտեցումներ և ճկուն միտք: Երեխաները վաղ տարիքից փորձում են արտացոլել իրենց տպավորությունները շրջապատող աշխարհի իրենց պատկերացումների մասին: Յուրաքանչյուր երեխա, ճանաչելով իրեն շրջապատող աշխարհը, փորձում է այն արտացոլել իր գործունեության մեջ: Խաղի մեջ, պատմվածքներում, նկարչության մեջ և այլն: Ստեղծագործական գործունեությունը բնականաբար հնարավորություններ է տալիս այս առումով: որքան բազմազան լինեն ստեղծագործական միջավայրի ձևավորմանը նպաստող պայմանները, այնքան ավելի վառ կդրսևորվեն երեխայի գեղարվեստական կարողությունները: Ոչ ավանդական տեխնիկայով նկարելը լայն շրջանակ է երեխաների

4

երևակայության համար, հնարավորություն է տալիս երեխային ներգրավվել ստեղծագործության մեջ, զարգացնել երևակայությունը, ցուցաբերել անկախություն և նախաձեռնություն, ցույց տալ իրենց անհատականությունը:

Այսպես, ըստ Ս. Օժեգովի բառարանի, <<ինքնուրույն>> հասկացությունը ունի մի քանի սահմանումներ

> Անկախ, ազատ

- Անկախ գործողություններ և դատողություններ կատարելու ունակություն
- Մյուսներից առանձնացված
- Ինքնուրույն ուժերով կատարվող գործունեություն՝ առանց կողմնակի օգնության և ուղղորդման
- Կողմնակի ազդեցությունից անկախ

Գլուխ 2 Կերպարվեստային գործունեություն

Կերպարվեստային գործունեությունը նախադպրոցականների գեղարվեստական դաստիարակության կարևորագույն միջոցներից է: Այն իրականացվում է նկարչության, ապլիկացիայի, ծեփի, կառուցողական նյութերով պարապմունքների գործընթացում: Կերպարվեստային պարապմունքների նպատակն է զարգացնել երեխայի ստեղծագործական և կառուցողական մտածողությունը, գեղագիտական ընկալումները, ինչպես նաև լուծել հետևյալ կարևորագույն խնդիրները.

- ❖ Սովորեցնել տեսնել, դիտել, զգալ շրջապատող աշխարհը, հարստացնել զգայական փորձը՝ տեսողական, լսողական, շոշափելիքի զգացողությունը, կարողանալ բնութագրել առարկաները՝ ըստ գույնի, ձևի, չափի, կարողանալ նկարելով բացահայտել առարկաների հարաբերությունները միմյանց նկատմամբ,
- ❖ ծանոթացնել լայնություն, բարձրություն, մեծություն հասկացություններին,
- ❖ զարգացնել առարկաները և երևույթները տեսնելու, դիտելու, համեմատություններ և վերլուծություններ կատարելու, դրանց նմանություններն ու տարբերությունները գտնելու, ընդհանրացումներ անելու ունակությունը:

Սկզբնական շրջանում, երբ երեխաները դեռ չեն կարող ճիշտ օգտվել նկարչական պարագաներից, դաստիարակը մատիտներ և յուղամատիտներ է տալիս երեխաներին՝ միայն նկարելուց առաջ, հետո այն պահում է երեխաների համար անհասանելի տեղում: Նկարչության պարապմունքների թեմաների ընտրությունը: Կերպարվեստային պարապմունքների թեմաները ընտրում է դաստիարակը, հաշվի առնելով ծրագրային պահանջները, ուսուցանվող տեխնիկայի բովանդակությունը և երեխաների կենսափորձը: 2-3 տարեկան երեխաների նկարչական գործունեությունը կոնկրետ է, առարկայական՝ նրանք նկարում են իրենց շրջապատում գտնվող ծանոթ առարկաները, բնության երևույթները: Առարկայական նկարչություն իրականացնելիս անհրաժեշտ է այն նախապես ուսումնասիրել, շոշափել: Դաստիարակի օգնությամբ երեխաները պետք է նշեն դրա բնորոշ հատկանիշները՝ գույնը, ձևը, չափը:

Նման գործունեության ընթացքում երեխայի մեջ ձևավորվում են հստակ պատկերացումներ տվյալ առարկայի մասին, հստակեցվում է դրա տեղը տարածության մեջ:

Կերպարվեստային պարապմունքների առջև դրված խնդիր գործունեության մեջ երեխան ազատ է նյութերի և ընտրության մեջ: Այն հնարավորություն է տալիս ծանոթանալու. առարկաների և երևույթների պատկերման ոչ ստանդարտ ձևերին: Աշխատելով տարբեր արտահայտչամիջոցներով՝ գունավորած մատիկներով, ձմռված թղթով, հաստ վրձնով, փրփրապլաստով, կարտոֆիլով, սպունգով, խցանով, տերևով, օձառի պղպջակներով, խմորով, ձվի կեղևով և այլ միջոցներով, երեխան տարբեր նյութերի՝ ափսեի, ծառի տերևի, գունավոր կամ սպիտակ թղթի, փուչիկների վրա կարող է ստանալ հարթ և անհարթ մակերեսներ: Ձևերի և միջոցների բազմազանությունը ստիպում է փոքրիկին հաղթահարել հանդիպող խոչընդոտները և անընդհատ հորինել ինչ-որ բան: Նկարչության այս տեսակը հնարավորություն է տալիս ընդլայնելու երեխաների պատկերացումները տարբեր նյութերի այլընտրանքային նշանակության և դրանք որպես գեղարվեստական արտահայտչամիջոց կիրառելուն:

Կերպարվեստային պարապմունքների ընթացքում կիրառելի են նաև խաղերը և վարժությունները, որոնք ներառում են կերպարվեստային գործունեության բաղադրիչներ: Առաջարկվող խաղ-պարապմունքների նպատակն է՝ օգնել երեխաներին հետաքրքիր, ուրախ և աշխույժ մթնոլորտում մասնակցել կերպարվեստի պարապմունքներին: Անհրաժեշտության դեպքում դաստիարակը կարող է կատարել համապատասխան փոփոխություններ:

1.2 ՈՉ ԱՎԱՆԴԱԿԱՆ ՆԿԱՐՉՈՒԹՅԱՆ

Նկարչության ընթացքում կատարելագործվում են բոլոր հոգեկան ֆունկցիաները՝ տեսողական ընկալում, պատկերացում, երևակայություն, հիշողություն, մտածողություն: Գիտության և արվեստի շատ գործիչներ նրբորեն են վերաբերվում այլընտրանքային նկարչությանը՝ ջանալով երեխաներին չկապել մեծահասակի աշխարհընկալմանը: Ոչ ավանդական նկարչության տեխնիկաների ընտրությունը՝ որպես այլընտրանքային նկարչության ստեղծագործական զարգացման միջոցներից մեկը, պատահական չէ: Ինքնաբերական նկարչությանը, երբ պատկերը ստացվում է ոչ թե հատուկ արտահայտչական հնարքների օգտագործման արդյունքում, այլ որպես կանոն խաղային մանիպուլյացիայի էֆեկտ: Ոչ ավանդական պատկերացման այս տեսակը կարելի է անվանել «հեփփիհիս» : Ավանդական տեխնիկաները լայնացնում են երեխաների արտահայտչական հնարավորությունները, որը իրենից թույլ է տալիս ոչ մեծ չափով իրացնել իրենց կյանքի փորձը, ազատվել անհանգիստ ապրումներից և ազատ ստեղծագործել: Գոյություն ունեն նկարչության ըտարբեր տեսակներ, որոնք կարող են հետաքրքրություն առաջացնել երեխաների մեջ: Դաստիարակի նպատակն է օգնել երեխաներին այլընտրանքային նկարչության շնորհիվ ներկայացնել դրանք: Ոչ ավանդական նկարչական տեխնիկան հիանալի միջոց է փոքրիկ գլուխգործոցներ ստեղծելու համար: Ոչ ավանդական նպատակով նկարչությունը մանկական երևակայության նոր շրջանակ է բացում: Ոչ ավանդական տեխնիկայով նկարելը հետաքրքրաշարժ գործընթաց է, որը զարմացնում և հիացնում է երեխային: Պետք է հաշվի առնել, որ երեխայի համար շատ կարևոր դեր է խաղում զարգացնող միջավայրը: Միայն վրձինով նկարելը կարող է ձանձրալի լինել երեխայի համար: Չբոսանքի ժամանակ ուշադրություն դարձնել շրջապատող իրերին՝ (ձողիկներ, խցաններ, տերևներ, քարեր, բույսեր, սերմեր , բմբուլ)...

Այս բոլոր առարկաները հարստացրել են արդյունավետ գործունեության անկյունները: Անսովոր նյութերը ու օրիգինալ տեխնիկան երեխաներին գրավում են նրանով, որ այստեղ չկա <<չի կարելի>> բառը, կարող ենք նկարել այն ինչ ուզում ենք , ինչպես ուզում ենք և նույնիսկ կարող ենք հորինել ձեր անստովոր տեխնիկան : Այլընտրանքային նկարչությունը նպաստում է մանկական վախերի վերացմանը, զարգացնում է ինքնավստահությունը , զարգացնում է տարածական մտածողություն, սովորեցնում է երեխաներին ազատորեն արտահայտել իրենց

միտքը, դրդում է երեխաներին ստեղծագործական որքնումների և լուծումների:

Ոչ ավանդական տեխնիկայով նկարելը սովորեցնում է երեխաներին աշխատել տարբեր նյութերի հետ: Չարգացնում է կոմպոզիցյան, ռիթմը, կոլորիտի գունային ընկալման զարգացումը, զարգացնում է ձեռքի նուրբ շարժունակությունը երևակայությունը և երևակայության թռիչքը: Աշխատանքի ընթացքում երեխաները գեղագիտական հաճույք են ստանում: Ստացվում է, որ դուք կարող եք աղի

միջոցով պատկեր ստեղծել, իսկ ափը կարող է վերածվել կապույտ փղի: Մոխրագույն բիծը կարող է ծառ դառնալ, իսկ գազարն ու կարտոֆիլը կարող են զարմացնել անսովոր նախշերով:

Բլտոդրաֆիա ոչ ավանդական նկարչական մեթոդը՝ (փչում է խողովակով)

ստեղծագործական հետապնդումների հերթական կախարդանքն է: Երեխաների համար նման զբաղմունքը շատ հուզիչ է, հետաքրքիր և շատ օգտակար: Ճիշտ այնպես, ինչպես ծղոտի միջով փչելը բարելավում է առողջությունը՝ թոքերի ուժը և երեխայի շնչառական համակարգը ամբողջությամբ:

Կախարդական նկար ստեղծելու համար ձեզ հարկավոր է մեծ ձողիկ, որը դուք պետք է փչեք, փչեք, փչեք ... մինչև թղթի վրա հայտնվի բարդ նկար: Երբ տարօրինակ նկարը պատրաստ է, կարող եք նկարել մանրամասներ նկարի վրա՝ տերևներ, եթե ծառ եք ստանում, աչքեր, եթե պարզվի, որ կախարդական արարած է:

Նյութեր՝ 1.Ջրաներկ; 2.խողովակ; 3.խոզանակ; 4.Թուղթ; 5. Բաժակ ջրի համար:Նկարչություն դրոշմներով

Դրոշմներով նկարելը շատ զվարճալի է և դրանով շատ հեշտ է ստանալ որոշակի նախշեր: Դրոշմնով նկարելը շատ զարգացնում է պատկերի ընկալման ունակությունը: Բամբակե չոփերը շատ լավ է համապատասխանում կետերով նկարելու համար:Այս նկարչական տեխնիկան նպաստում է ոչ միայն երեխայի մանր մոտորիկայիվզարգացմանը, այլ նաև հաստատակամությանը, համբերությանը և ուշադրության. կենտրոնացմանը:

Օճառի փրփուրով նկարելու համար անհրաժեշտ կլինի, ջրաներկ կամ գուաշ, օճառ, կոկտեյլի համար ձողիկ, թուղթ: Յեղուկ ներկը և օճառը լավ խառնել տարայի մեջ: Իջեցնել խողովակը և փչել այնքան ժամանակ, մինչև պղպջակներ հայտնվեն: Պղպջակների վրա իջեցնել թուղթը, թեթևակի սեղմել և բարձրացնել:

Կարելի է ավարտին հասցնել վրձնի միջոցով:

Ձեռքի ավերով Երեխաները սիրում են ջրաներկով կամ գուլաշով նկարելուց ձեռքերը ներկոտել, մատիկներով շոշափել, զգալ ներկը: Մենք էլ թաթիկները կիրառեցինք որպես այլընտրանքային միջոց: Ձեռքի ավերը ներկեցինք, և սաները ձեռքերով ստացան իրենց պատկերացրածը: Այս նկարչության միջոցով սաները զարգացնում են պատկերացումը, երևակայությունը: Փորձում են գուլաշակել ավի դիրքից ինչ պատկեր կստացվի, կամ ինչպես ավով ներկեն, որ, օրինակ՝ արև կամ ծառ ստանան:





Երբ շատերը կարծում են, որ պատահաբաղը օգտագործվում է միայն սնունդից օգտվելու նպատակով ունենք այլընտրանք. այն կիրառում ենք նկարչության մեջ: Մինչև նկարելը սաները չեն պատկերացնում ինչպես կարող ենք պատահաբաղից ծաղիկ ստանալ:



Այս ոչ սովորական տեխնիկաներից յուրաքանչյուրը փոքրիկ խաղ է երեխայի համար: Այս տեխնիկայի օգտագործումը թույլ է տալիս երեխաներին ավելի հանգիստ և համարձակ զգալ, ավելի ինքնաբուխ: Այս տեխնիկան զարգացնում է երևակայությունը, տալիս է լիակատար ազատություն ինքնարտահայտման համար:

- ❖ Նկարել ձողիկով/ բլտոգրաֆիա
- ❖ Նկարել օճառի պղպջակներով
- ❖ Նկարել ճմրթված թղթով
- ❖ Նկարել ականջի փայտիկներով
- ❖ Նկարել աղով
- ❖ Նկարել սպունգով
- ❖ պլաստիլինոգրաֆիա

Երբ աշունը ներկում է ծառերը՝ տերևները դեղնացնելով, մենք տերևը կիրառում ենք որպես նկարչության միջոց: Սաները տեսնում են, որ տերև կարող են նկարել ոչ միայն տերևին նայելով, այլ անմիջապես տերևն օգտագործելով նկարչության մեջ:



Մարդու ուղեղում խոսքի և ձեռքի մատների շարժումները կոորդինացնող կենտրոնները գտնվում են հարևանությամբ: Բոլոր շարժումները ղեկավարող կենտրոնի 1/3 –ը զբաղեցնում է ձեռքի մատների շարժումների կենտրոնը: Երեխայի մատների ծայրերին գտնվող նյարդային վերջավորությունները նյարդային ազդակներ են ուղարկում գլխուղեղին:

Գիտության կողմից հաստատված այս փաստը թույլ է տալիս ձեռքի դաստակը դիտարկելու որպես «խոսքի օրգան», որի մարզումն ու վարժեցումը նույնքան կարևոր դեր է խաղում երեխայի խոսքի զարգացման գործընթացում, որքան հնչարտաբերական ապարատը: Վերջավորությունները, նյարդային ազդակներ են հաղորդում գլխուղեղին: Այդ ազդակները, մասնավորապես ձևավորում են երեխայի բանավոր խոսքը: Ահա, թե ինչու է այդքան կարևոր մանր մոտորիկայի զարգացմանը:

Նկարչությունը, հատկապես, այլընտրանքային նկարչությունը, մեծ խթան է մոտորիկայի զարգացմանը: Այն իրենից ներկայացնում է նյարդային, մկանային և ոսկրային համակարգերի զարգացում՝ նպատակային, մանր,

կենտրոնացված շարժումների, գործողությունների միջոցով, որոնք հիմնականում իրականացվում են ձեռքի մատների միջոցով: Եվ որքան զարգացած է մոտորիկան, այնքան անձը ավելի ճկուն է հասարակական միջավայրում, և ավելի երաշխավորված է նրա կյանքի որակի ապահովումը: Նկարչության միջոցով, ակտիվացնելով երեխաների մատների աշխատանքը՝ խթանում ենք մանր մոտորիկայի զարգացումը և նպաստում ուղեղի ընդհանուր հասունությանը:

ԵԶՐԱԿԱՑՈՒԹՅՈՒՆ

Մեր առօրյա կյանքում ակնհայտ է, որ երեխաները շատ սիրում են նկարել: Նրանց համար նկարչությունը յուրահատուկ լեզու է: Բոլոր երեխաները ունեն նկարելու ձգտում. դա նրանց համար ոչ թե արվեստ է, այլ խոսք: Նկարչության միջոցով երեխան կարողանում է արտահայտվել, այն ինքնաբուխ է, չի պահանջում կամային և ինտելեկտուալ ջանքեր: Այն իր բնույթով նման է խաղին և հետևաբար երեխայի համար արտահայտվելու, դրսևորվելու առավել հետաքրքիր, հաճելի և բնական տարբերակ է: Երեխայի կողմից շրջապատի գիտակցումը ավելի արագ է տեղի ունենում, քան բառապաշարի զարգացումը: Իսկ նկարչությունը առավել հեշտ տարբերակն է արտահայտելու այն, ինչ երեխան գիտի իր շրջապատի մասին, այն, ինչ զգում է: Այսինքն, նկարչությունը լրացնում է բացակայող բառերը, լրացնում է խոսքը: Բացի դա նկարչությունը զարգացնող դեր ունի երեխայի համար: Կապված լինելով ձեռքի աշխատանքի հետ՝ նկարչությունը ձեռքը վերածում է խոսքի օրգանի: Նկարչությունը զարգացնող դեր ունի նաև տեսողության, շարժողական կոորդինացիայի, խոսքի, մտածողության, երևակայության համար:

Իմ աշխատանքային փորձի ընթացքում հասկացել եմ, որ երեխաները շուտ են հոգնում միապաղաղությունից և նույն աշխատանքը կատարելուց: Այդ է պատճառը, որ մդեցի իմ առարկայի շրջանակներում նոր հետաքրքրությունների դաշտ գտնել և բացել երեխաների համար: Կարծում եմ այս մեթոդներով նկարչությունը հետաքրքրությունների նոր շրջանակ կբացի նրանց համար: Ոչ ավանդական նկարչությունն ինքնարտահայտվելու, ինքն իր հետ շփման միջոց է, հիանալի գործիք է ոչ միայն տրամադրությունը բարձրացնելու, այլև աշխարհին այլ աչքերով նայելու, իր մեջ նոր հնարավորություններ բացահայտելու համար:

Ուսումնասիրելով սաների՝ ոչ ավանդական մեթոդներով նկարելու ընթացքն ու ոգևորությունը, իրենց կատարած աշխատանքը, նկարել ցանկացող աշակերտների թվի աճը, հաջորդ դասին նորից նկարելու սպասումը, ես հանգեցի այն եզրակացությանը, որ այլընտրանքային նկարչության կիրառումը երեխաների առաջացնում է սեր և մոտիվացիա կերպարվեստի նկատմամբ: Ինքնուրունությունը հատկանիշ է, որը պետք անընդհատ զարգացնել: Երեխաների ինքնուրույնությունը զարգանում է աստիճանապարհի:

Գրականության ցանկ

1. Ժ. Ավետիսյան, Գ. Փոթիկյան <<Ոչ ավանդական նկարչություն>>
2. Ժ. Ավետիսյան, Գ. Փոթիկյան <<Կերպարվեստային դիդակտիկ խաղ-պարապմունքներ>>
3. <<Նախաշավիղ>> գիտամեթոդական հանդես